



Fidoyilik —
Vatanga xizmat demak!

2023-yil 21-yanvar, shanba,
8 (23.729)-son

**KUN
HIKMATI**

Birovlarga har qancha havas qilmang, agar ulardagi ishtiyoq va qanoat Sizda bo'lmasa, o'zingizdan ortiq bo'lolmaysiz

1913-yil aprel oyidan chiqq boshlagan



www.zarnews.uz <https://www.facebook.com/zarnews.uz> [@zarnews_uz](https://twitter.com/zarnews_uz) https://twitter.com/zarnews_uz

HUDUDLAR TOIFALARGA AJRATILDI NIMALAR O'ZGARADI?

Prezidentimizning 2022-yil 30-dekabrda "Respublika hududlarini toifalarga ajratish va tadbirkorlikni qo'llab-quvvatlashning taqaballashtirilgan tizimini joriy etish chora-tadbirlari to'g'risida"gi farmoni bilan respublikamizdagi 208 tuman va shahar besh toifaga bo'lingdi. Bu avvalo, hududlarning iqtisodiy rivojlanishi, investitsiya jalb etish, tadbirkorlikni rag'batlantirish imkoniyatlaridan kelib chiqdi.



Viloyatimizdagi tuman va shaharlar toifalarga bo'linganda tadbirkorlik uchun har tomonlama rivojlangan hudud bo'lgan Samarqand shahri birinchi toifaga, infrazilmasi yaxshi bo'lgan Jomboy, Samarqand va Toyloq tumanlari ikkinchi toifaga

kirdi. Sharoiti nisbatan qoniqarli bo'lgan Kattaqo'rg'on shahri, Bulung'ur, Ishtixon, Narpay, Oqdaryo, Past Darg'om va Urgut tumanlari uchinchi toifada qayd etildi. To'rtinchi – jozibadorligi yetarli bo'lmagan hududlar sifatida Kattaqo'rg'on, Nurobod,



Paxtachi va Payariq tumanlari qayd etildi. Viloyatning Qo'shrabot tumaniga beshinchi toifada sharoiti og'ir bo'lgan hudud, deb topildi.

(Davomi 2-sahifada) >>>



KUN QAHRAMONI

Niderlandiyaning Veykan-Zee shahrida o'tayotgan "Tata Steel Chess-2023" turnirida hamyurtimiz, 18 yoshli Nodirbek Abdusattorov shaxmat qiroli, 32 yoshli Magnus Karlsen ustidan g'alaba qozondi.

Sizning farzandingiz, nabirangiz ham ana shunday natijaga erishishi mumkinligini bilasizmi? Unga e'tibor beryapsizmi, o'qishi, intilishlari bilan qiziqyapsizmi?

INDALLOSINI AYTGANDA...

Jabbor ESHONQULOV,
filologiya fanlari doktori,
professor:

— Hazrat Navoiyning "Odami ersang demagil odami. Onikim yo'q xalq g'amidan g'ami..." hikmatini rahbarlar ham, oddiy odamlar ham davralarda o'qishni, maqolalarda eslashni yaxshi ko'rishadi. Bu hikmatni xalq g'amidan uzoq bo'lganlar ham davralarda o'qib, olqish olishgan. Lekin hazrat bu hikmatni o'qib, shior qilib yurish uchun emas, amal qilish uchun, harakatda va hayotda shunday maqsad bilan yashash uchun yozgan. Har qanday hikmat amalda o'zini ko'rsatsa, u hikmat bo'ladi, yo'qsa, bu navbatdagi quruq so'zga aylanadi.



Bugunning gapi

Biz bir-birimizga hayron tikildik. Nega buncha qimmat?

Unga yana bir marta uzrimizni aytib, dorixonadan chiqdik. Mashinaga o'tirib, oldimizdan chiqqan birinchi dorixonaga kirib, sotuvchiga dorilar ro'yxatini berdik. U uzoq ko'z yugurtirib, bular ichida faqat ikkita borligini aytdi. Ro'yxatni olib, keyingi dorixonaga o'tdik, unda ham shu ahvol. Shu ko'chadagi turnaqator dorixonalarga bosh suqaverib holdan toydik. Oxiri shunga borib yetdik, shahardagi barcha dorixonalarga kirib chiqishga majbur bo'ldik. Yarim kun vaqtimiz dorixonalarda o'tdi. Ammo ro'yxatdagi dorilarning yarmi ham topilmadi. Uch-to'rttasidan jamlab olishning ham imkoni yo'q edi. Shifokor eng zarur dorilar mana shular degan ikki-uchtasi hech bir dorixonadan topilmadi.

Orada qaysidir dorixonada hali sohada tajribali ko'rinmagan bir yosh yigit bu dorilarni qaysi shifoxonada yozgan bo'lsa, o'sha yerdan topishimiz mumkinligini aytgan edi. Ro'yxatni qo'limga tutayotgandagi do'xtirning gapi qulog'im ostida jaranglayverdi: "Dorilarni birinchi qavatdagi dorixonadan oling!".

Erta bilan o'sha klinikaga bordik. Keçhagi ro'yxatga qarab dorilar to'plamini yig'ib beradigan sotuvchi o'tirgan edi. Heç narsa demasdan uning qo'lga ro'yxatni uzatdim. U bizga g'olibona qaradi-yu, ro'yxatdagi dorilarni to'plashga tutindi. Eng qiziq'i, keçha kun bo'yi shahardagi haybatli, ikki-uch qavatli dorixonalardan topilmagan dorilar shu uchga-uch o'lchamdagi kichik bir xonadan topildi. Tanishim dorilar solingan qopchani qo'lga olib, biroz xotirjam bo'ldi. Ammo u butunlay umidsiz edi.

Sulaymon MARDIYEV.

SO'NGGI UMID HAM SO'NSA...

Xususiyashtirib bo'lmaydigan sohalar bor. Bu gapni aytasiz-u, undan-da, og'ir muammo qarshisida qolmaymizmi, degan ikkinchi bir hadik paydo bo'ladi — soha monopoliya qilib olinaschi? Ammo...

Qishloqda yashaydigan bir tanishim davolanish maqsadida shaharga kelgan edi.

— Hali ko'p bo'lmadi, — dedi u. — Tumani-mizdagi shifoxonada davolanib chiqdim. Afsuski, biror nafni sezmadim. Hozir borsam, yana o'sha do'xtir, o'sha dorixonaga va bir qop doriga ro'para qilishadi. Yaxshisi biror xususiy klinikaga ko'rin-sam, degan niyatda kelgandim.

Davlat shifoxonasidan naf ko'rmagan tanishim bilan shahardagi xususiy klinikalardan biriga bordik. Bosh shifokorga uchrashganimizda uch-to'rtta eshikka kirib, javoblari bilan oldiga kirishimni aytdi. Bir nechta tekshiruvlardan so'ng uning qabuliga kirdik. Umumiy tavsiyalarini va ikkita varaqqa dorilar ro'yxatini yozib berdi. Bemorni tekshirish davomida o'zini ancha xotirjam tutgan shifokor dorilar ro'yxatini bemorning qo'lga tutqazdi ekan, hukmrona ovozda: "Dorilarni birinchi qavatdagi dorixonadan oling!", dedi.

Uning gapirish ohangidan biz ham hushyor tort-



dik. Pastga tushib, dorixonada qo'l-qo'lga tegmay savdo qilayotgan kishiga tutqazdik. Hayron qoladigan u qo'q'ozni qo'lga oldi-yu, ammo dorilar ro'yxatini oxirigacha ko'rmedi ham. Chaqqonlik bilan peshtaxtadagi dorilarni olib, xaitaga joylay boshladik. Shosha-pisha uni to'xtatib qoldik. — Aka, uzr, hozir tekshiruvlarga to'lov qildik, pulimiz kamroq edi. Avval bir hisoblab bering, neçha pul bo'larkan? — dedim. Uning hafsalasi pir bo'ldi. Beqarqlik bilan dorilarning o'rtacha narxini chiqarib, ikki million so'mdan ortiqroq bo'lishini aytdi.

Samarqandda ixtisoslashtirilgan taekvondo markazi ochiladi

Vazirlar Mahkamasining joriy yil 10-yanvardagi "O'zbekiston taekvondo akademiyasi va ixtisoslashtirilgan taekvondo markazlari faoliyatini tashkil etish chora-tadbirlari to'g'risida"gi qaroriga muvofiq, O'zbekiston taekvondo (WT) assotsiatsiyasi tizimida O'zbekiston taekvondo akademiyasi hamda 2023-2024-yillarda hududlarda 14 ta ixtisoslashtirilgan taekvondo markazlari tashkil etiladi.

O'zbekiston taekvondo akademiyasining tashkil etilishi taekvondo (WT) bo'yicha milliy terma jamoalar (kattalar, yoshlar, o'smirlar, shuningdek, sport faxriylari) a'zolarining jismoniy rivojlanishi, jismoniy tayyorgarligi, funksional holati, texnik-taktik va psixologik tayyorgarligini oshirishga xizmat qiladi.

Shu bilan birga, akademiya taekvondo (WT) bo'yicha milliy terma jamoalari xalqaro musobaqalarga tayyorlashda ularga amaliy va ilmiy-metodik jihatdan ko'maklashish, taekvondo (WT) bo'yicha ilg'or tajribalarni o'rganish va mamlakatimizda joriy etishga doir tavsiyalar ishlab chiqish, xorijiy mamlakatlarning yetakchi muassasalari bilan xalqaro aloqalarni rivojlantirishga ko'maklashadi.

Akademiya joriy yilning 1-sentabridan faoliyat boshlaydi.

Qarorga muvofiq, Samarqandda ham ixtisoslashtirilgan taekvondo markazi tashkil etiladi va joriy yilning 1 fevraliga qadar viloyatda foydalanilmayotgan bo'sh bino ixtisoslashtirilgan taekvondo markaziga vaqtinchalik foydalanish uchun bepul ajratiladi. Markazda hududiy terma jamoa a'zolarining respublika va xalqaro musobaqalarda ishtirok etishi uchun zarur bo'lgan mahorat va ko'nikmalarni rivojlantirishini ta'minlash, sportchilar zakirasini tayyorlash uchun zarur tashkiliy, o'quv-metodik, psixologik-pedagogik, tibbiy-biologik va moddiy-texnik sharoitlar yaratiladi.

Viloyatda taekvondo bo'yicha nodavlat



sport ta'limi muassasalari faoliyatini yo'lga qo'yish maqsadida Samarqand shahrida "Nafosat" sport klubi tashkil qilingan. Shuningdek, taekvondo infratuzilmasini kengaytirish maqsadida Samarqand shahridagi sportning yakka kurash turlariga ixtisoslashtirilgan sport maktabi binosi taekvondo (WT) bazasiga aylantirilgan. Bu yerda viloyat terma jamoasining respublika kalendar rejasiga kiritilgan sport musobaqalari hamda o'quv-mashg'ulot yig'inlariga ishtiroki ta'minlanmoqda.

Hozirgi kunda viloyatning barcha tuman (shahar)larida 39 nafar murabbiy qo'l ostida 1850 nafar sportchi taekvondo bilan shug'ullanmoqda. Viloyat sportchilari joriy yil respublika musobaqalarida 4 ta oltin, 4 ta kumush, 3 ta bronza, xalqaro musobaqalarda 5 ta oltin, 2 ta kumush, 3 ta bronza medalni qo'lga kiritdi. Hozirgi O'zbekiston terma jamoasining asosiy tarkibida 2 nafar, zakira tarkibida 4 nafar sportchi mashg'ulotlarda qatnashmoqda.

Suxrob MASHRABOV, viloyat sportni rivojlantirish boshqarmasi bo'limi bosh mutaxassisi.

HUDUDLAR TOIFALARGA AJRATILDI NIMALAR O'ZGARADI?



(Davomi. Boshlanishi 1-sahifada).

Hududlarning toifalarga bo'linishida ekspertlarning fikrlari hamda iqtisodiy ko'rsatkichlar, sohalar rivojlanishida viloyatdagi ulushi hamda aholi jon boshiga iqtisodiy ko'rsatkichlar to'g'ri kelishi tahlillari e'tiborga olingan. — deydi viloyat hokimligi axborot-tahlil guruhi rahbari S.Abrarhamatov. — Endilikda ularni rivojlantirish, tadbirkorlik sub'ektlarini qo'llab-quvvatlash, aholini ijtimoiy himoya qilishga alohida yondashuv bo'ladi. Jumladan, 2020-yil 1-yanvargacha qadar soliq solishning tabaqalashtirilgan tartibi joriy etiladi. Ya'ni, beshinchi toifadagi Qo'shrabot tumanida ro'yxatdan o'tgan va shu hududda faoliyat yuritadigan tadbirkorlar (yirik soliq to'lovchilar, doimiy muassasa, budjet tashkiloti va davlat korxonasi, ustav jamg'armasi (kapitali)da davlat ulushi 30 foiz va undan ko'proq miqdorda bo'lgan yuridik shaxslar bundan mustasno) foyda solig'i, aylanmadan olinadigan soliq va ijtimoiy soliqni 1 foiz miqdorida to'laydi. Shuningdek, yuridik shaxslarning mol-mulkiga solinadigan soliq va yuridik shaxslardan olinadigan yer solig'ini mazkur soliq bo'yicha hisoblangan summamning 1 foizi miqdorida soliq stavkalari qo'llaniladi. Ushbu imtiyoz tufayli tumanidagi 1349 nafar tadbirkor ixtiyorida 13,4 milliard so'm mablag' qolmoqda va shuning hisobidan ular faoliyatini kengaytirish imkoniyatiga ega bo'ladi.

Shuningdek, beshinchi toifadagi hududda ro'yxatdan o'tgan va shu yerda faoliyat yuritadigan yakkalar tadbirkorlar jismontiy shaxslardan olinadigan daromad solig'ining qat'iy belgilangan summalarini to'lashdan ozod qilindi. Jumladan, Qo'shrabotdagi 715 nafar yakkalar tadbirkor qat'iy soliq to'lashdan ozod etildi. Ular 2022-yilda 295 million so'm to'lagan va joriy yilda 324 million so'm to'lashi kerak edi.

Jozibadorligi yetarli bo'lmagan hududlar sifatida to'rtinchi toifada qayd etilgan Kattaqo'rg'on, Nurobod, Paxtachi va Payariq tumanlarida ro'yxatdan o'tgan va shu hududlarda faoliyat yuritadigan tadbirkorlik sub'yektlari (yirik soliq to'lovchilar, doimiy muassasa, budjet tashkiloti va davlat korxonasi, ustav jamg'armasi (kapitali)da davlat ulushi 30 foiz va undan ko'proq miqdorda bo'lgan yuridik shaxslar bundan mustasno) uchun aylanmadan olinadigan soliqning bazaviy soliq stavkasi 3 foiz etib belgilandi. Mazkur tumanlar bo'yicha Xalq deputatlari viloyat



Kengashiga yuridik shaxslar mol-mulk va yer solig'i bo'yicha eng kam qiymatlarga 0,3 gacha, yakkalar tadbirkorlar qat'iy solig'i bo'yicha 0,5 gacha kamaytiruvchi koeffitsiyent kiritish huquqi berildi. Buning natijasida bu uch tumanidagi 5137 nafar yakkalar tadbirkor uchun qat'iy soliq stavkasiga 0,5 gacha kamaytiruvchi koeffitsiyent kiritish hisobiga 3 milliard so'm, 8230 ta tadbirkorlik sub'ekti uchun aylanmadan soliq stavkasi 3 foiz etib belgilanishi hisobiga 6 milliard so'm mablag' ular ixtiyorida qoladi. Shuningdek, 2 mingdan ortiq yuridik shaxslarning mol-mulk va yer solig'i bo'yicha belgilangan eng kam qiymatlarga 0,3 gacha kamaytiruvchi koeffitsiyent kiritish bilan tadbirkorlar 15 mil-



liard so'mga yaqin mablag'ni iqtisod qiladi. To'rtinchi va beshinchi toifadagi tumanlarda kichik biznes sub'ektlariga tadbirkorlikni qo'llab-quvvatlash davlat jamg'armasidan kredit va lizinglar bo'yicha asosiy stavkadan oshgan, biroq Markaziy bank asosiy stavkasining 40 foizidan ko'p bo'lmagan qismini qoplash uchun kompensatsiya taqdim etiladi. Kreditlarning 75 foizigacha, biroq umumiy qiymati 2,5 milliard so'mdan oshmagan miqdorda kafillik beriladi. Barcha turdagi subsidiyalar "2+1" tamoyili asosida ajratiladi, bunda, subsidiya dastlab ikki yilga taqdim etiladi va samarasi ijobiy deb topilsa, uni amal qilish muddati bir yilga uzaytiriladi.

Bandlikka ko'maklashish davlat jamg'armasidan tomorqa yer uchastkalarida fuqarolarni kooperatsiya va kasanachilik asosida ish bilan band qilgan tadbirkorlarga parrandachilik,



uzumchilik, asalarichilik, quyunchilik, baliqchilik sohalar uchun birinchi, ikkinchi va uchinchi toifalardagi hududlar aholisiga avvalgi kabi bazaviy hisoblash miqdorining 20 baravarigacha, to'rtinchi va beshinchi toifalardagi tumanlar aholisiga esa BHMning 25 baravarigacha (shu paytgacha 20 baravar edi) subsidiya beriladi.

Umumiy qurilish ishlari bilan shug'ullanayotgan yakkalar tadbirkorlarga kamida uch nafar xodim yollagan taqdirda mehnat qurollari, asbob-uskunalar, stanoklar, maxsus kiyim, boshqa shaxsiy himoya va gigiyena vositalari sotib olish uchun shu paytagacha BHMning 15 baravarigacha subsidiya berilgan bo'lsa, endilikda to'rtinchi va beshinchi toifalardagi tumanlarda faoliyat ko'rsatadigan YATlarga BHMning 20 baravarigacha subsidiya ajratiladi.

Aholini tadbirkorlikka jalb qilish, kambag'allik-

ni qisqartirish va bandlikni ta'minlash bugungi kunning eng dolzarb masalalaridan hisoblanadi. Shu bois, Aholini tadbirkorlikka jalb qilish jamg'armasidan sug'orish vositalarini xarid qilish, ishsizlar, kam ta'minlangan oilalar a'zolari va migratsiyadan qaytgan shaxslarga qishloq xo'jaligi kooperativlari ustav fondiga ulush sifatida kiritish uchun subsidiya ajratish miqdorlari ham birinchi toifadan tashqari boshqa toifalardagi hududlarda o'zgardi. Ya'ni, birinchi toifadagi hududlarga BHMning 10 baravarigacha, ikkinchi va uchinchi toifalardagi hududlarga 12 baravarigacha, to'rtinchi va beshinchi toifalardagi tumanlarda 15 baravarigacha subsidiya beriladi. Xuddi shunday, "Usta-shogird" an'analari asosida yoshlarga hunar o'rgatayotgan hunarmandlarga shogirdlar tayyorlash, xom-ashyo sotib olish va shogirdlarni ish haqi bilan ta'minlash uchun subsidiya miqdorlari to'rtinchi va beshinchi toifadagi tumanlarda BHMning 2 baravaridan 5 baravarigacha oshirildi. O'quv kurslarini tamomlagan har bir bitiruvchi uchun o'qitish bo'yicha nodavlat ta'lim tashkilotlariga sarflangan xarajatlarning har bir bitiruvchisiga 1 million so'mdan oshmagan holda kompensatsiya qilish uchun subsidiya ajratish miqdorlari ham to'rtinchi va beshinchi toifadagi tumanlar uchun 70 foizdan, 80, 100 foizgacha o'zgardi. Bu tartibda subsidiya ajratish orqali norasmiy sektorida band bo'lganlar ulushi qisqartirildi va ularning band aholi sonidagi ulushi 2020-yilga qadar kamaytirildi.

Misol uchun, birgina umumiy qurilish ishlari



bilan shug'ullanayotgan yakkalar tadbirkorlarga kamida 3 nafardan ishchi yollagan taqdirda, viloyatdagi 1126 ta mahallada kamida ikkita qurilish brigadalari tuzilgan taqdirda 9 mingdan ortiq fuqaroning rasmiy bandligi ta'minlanadi. Tumanlarda tomorqa yer xo'jaliklarida 30 foiz mahalla hududida kamida bittadan kasanachilik tashkiloti etilib, ularga 25 nafardan ishsiz yoki norasmiy band fuqarolar birkiritilganda 0,5 mingdan ortiq fuqaroning rasmiy bandligi ta'minlanadi. Eng muhimi, to'rtinchi va beshinchi toifadagi hududlarda ishsizlarni kasb-hunar va tadbirkorlikka o'qitish, muayyan kasb bilan ta'minlash darajasi kamida 1,5 baravargacha oshadi.

Bundan tashqari, 2023-yil 1-yanvardan 2026-yil 1-yanvargacha davlat maktabgacha ta'lim tashkilotlarida bola ta'minoti uchun ota-onalar to'lovi miqdoriga nisbatan tumanlarning toifasidan kelib chiqib, 5 va 4-toifadagi tumanlarda - 50 foiz, 3-toifadagi tumanlarda (shahar aholi punktlaridan tashqari) - 30 foizgacha kamaytiruvchi koeffitsiyentlar qo'llaniladi.

Bu albatta, hududlarni iqtisodiy rivojlantirish, aholi bandligi va farovonlikni ta'minlashdagi dastlabki harakatlardir. Rejalar to'liq amalga oshirilib, tadbirkorlikni kengaytirish va hududlarda ijtimoiy-iqtisodiy rivojlanish bosqichlariga o'tadi. Pirovardida ishsizlikni kamaytirish, norasmiy sektorida mehnat qilayotganlar faoliyatini legalashtirish va aholi turmushining farovonlashuviga xizmat qiladi.

O.XUDOYBERDIYEV.



ORGANIK CHIQUINDIDAN BIOGAZ OLINYAPTI

Maxsus uskunalarda organik moddalarni biyog'itish usuli bilan biogaz olish texnologiyasidan Xitoyda birinchi bo'lib foydalanilgan. Hozirda mamlakatda milliy energoista'molning 30 foizi biogaz hisobidan.

Bu qurilma juda sodda bo'lib, kam sonli qoramol va parrandaga ega bo'lgan har bir xonadon egasi uni o'rnatishi mumkin. Maydon jihatdan ko'p joy egallamaydi, reaktor uchun ham jihozlari soni kam. Xitoyga borib, ushbu tajribani o'rganagan payariqlik tadbirkor Alijon Temirov aholi xonadonlarida qishloq sharoitida organik chiqindidan biogaz olishga mo'ljallangan kichik hajmdagi biogaz qurilmalari o'rnatmoqda.

Har bir qoramol chiqindisidan bir kunda 4,2 kub metr gacha biogaz olish mumkin, deydi "UZBIOGAZ" MChJ rahbari Alijon Temirov. — Boshqacha aytganda, bitta qoramol chiqindisidan olinadigan kunlik biogaz qariyb 10 kilogramm yog'och o'tin yoki 5 kilogramm ko'mir energiyasiga to'g'ri keladi. Shu bois Xitoyda ko'p xonadonlarda biogaz qurilmasi o'rnatilgan. Bu usulni o'rganish maqsadida Xitoyda bo'ldim va mutaxassislar bilan tajriba almashgach, biogaz qurilmalari ishlab chiqaruvchi sex

tashkil qildim. Dastlab Urgut tumanining Dehqonobod mahallasida yashovchi Chingiz Barotov xonadonida kichik hajmdagi biogaz qurilmasini o'rnatgan edik. Ushbu qurilma orqali fuqaro xonadoni va mahalla hududidagi 150 o'ringa mo'ljallangan bog'chaga biogaz yetkazib berilmoqda.

Hozirgi kunda tadbirkor tomonidan biogaz qurilmalari Urgutdagi Dehqonobod, Quyiqishloq, Sanchiqul, Payariqdagi Uymovot va Dehqonobod mahallalaridagi aholi xonadonlarida o'rnatilgan.

Mutaxassis tavsiyasi bilan yetti oy oldin biogaz qurilmasini xonadonimizga o'rnatgan edik. — deydi Uymovot mahallasida yashovchi Xudoyberdi Temirov. — Ikki bosh qoramol go'nidan olinadigan gaz bilan ro'zgorimizda ovqat pishyapti, choy qaynayapti va kerakli paytda uyimizni ham isityapmiz. Qolaversa, ortgan o'g'itni mahalla aholisiga sotayapmiz.

F.RO'ZIBOYEV.

IMKONIYAT

Davlatimiz rahbari topshirig'iga ko'ra, viloyat Perinatal markazi qoshida Ayollar reproduktiv salomatligi markazi faoliyati yo'lga qo'yiladi.

Ushbu markazda bepustlikning oldini olish, genetik laboratoriyani rivojlantirish, sun'iy homiladorlik yo'nalishlari bo'yicha xotin-qizlarga yuqori sifatli tibbiy xizmat ko'rsatish rejalashtirilgan.

FIRIBGAR SUDLANUVCHILAR KO'PAYDI, QO'SHMACHILIK KAMAYDI

Samarqand viloyat sudlari tomonidan 2022-yil davomida odil sudlovni amalga oshirish, qonun ustuvorligini ta'minlash, fuqarolarning huquq va erkinliklari hamda qonuniy manfaatlarini himoya qilish borasida muayyan ishlar amalga oshirildi.

O'tkazilgan navbatdagi matbuot anjumanida bu haqda aniq raqamlar aytiladi. Xususan, hisobot davrida viloyat, tuman va shahar jinoyat ishlari bo'yicha sudlari tomonidan 5918 nafar shaxsga nisbatan 4700 ta jinoyat ishlari ko'rib tamomlangan. Shundan 3403 ta ish bo'yicha 4577 nafar shaxsga nisbatan hukm chiqarildi. Tamomlangan ishlar soni o'tgan yilning shu davriga nisbatan 797 taga yoki 10,9 foizga ko'paygan. — Ishlar soni ko'paygani birinchi navbatda aholining huquqiy savodxonligi oshib borayotgani bilan bevosita bog'liq, — deydi viloyat sudi raisi O.Hayitov. — O'tgan yili sudlar tomonidan ko'rilgan jinoyat ishlari bo'yicha 654 nafar shaxs sud zalidan qamoqdan ozod qilindi. Viloyat sudlarining barcha instansiyalarida 10 ta jinoyat ishi bo'yicha 17 nafar shaxs oqlandi.

Bundan tashqari, 1190 ta jinoyat ishi tarafdamlari yarashganliklari munosabati bilan tugatilib, 1271 nafar shaxs jinoyi javobgarlikdan ozod qilindi.

Shu bilan birga, davlat tomonidan ko'rsatilgan insonparvarlikni to'g'ri tushunmay, belgilangan tartiblarni buzganligi uchun 340 nafar shaxsga nisbatan tayinlangan jazolar og'irrog'iga almashirildi. Amaldagi tartiblarni buzganligi uchun ozodlikdan cheklash jazosini o'tayotgan 219 nafar shaxsning jazosi ozodlikdan mahrum qilish jazosiga almashirildi.

Qayd etilishicha, o'tgan yil davomida jinoyat kodeksining 107-moddasi (o'zlashtirish yoki rastrata yo'li bilan talon-toroj qilish) bilan sudlanganlar 2021-yilning shu davriga nisbatan 218 nafarga, JKning 108-moddasi (firibgarlik) bilan sudlanganlar 290 nafarga, JKning 228-moddasi (hujjatlar, shtamlar, muhrlar, blankalar tayyorlash, ularni qalbakilashtirish, sotish yoki ulardan foydalanish) bilan sudlanganlar 215 nafarga ko'paygan.

Shuningdek, qonunga xilof ravishda chet elga chiqish yoki O'zbekiston Respublikasiga kirish, qo'shmachilik qilish yoki fohishaxona saqlash, qasddan badanga o'rtaqcha og'ir va o'rtaqcha yengil shikast yetkazish bilan bog'liq ishlar bilan sudlanganlar soni kamaygan.

Matbuot anjumanida davomida viloyat ma'muriy sudi raisi T. Fayziyev, viloyat sudi raisining o'rinbosarlari - jinoyat, fuqarolik va iqtisodiy sudlov hay'atlari raislarining ham hisobotlari tinglandi. Ishchiklarni qiziqtirgan savollarga batafsil javoblar berildi.

Adliya nazorati

shunday buyruqlarda ham takrorlangan. Ishchi guruh tomonidan viloyatdagi 70 dan ortiq muassasada o'rganish ishlari olib borilib, 6023 ta qonunbuzilish holati aniqlandi. Aniqlangan qonunbuzilishlarning 2293 tasi murojaatlar bilan ishlash, 3431 tasi mehnat munosabatlari hamda 290 tasi boshqa sohalariga oid. Adliya organlari tomonidan mazkur qonunbuzilishlari yuzasidan vakolatlari organlarga 70 dan ortiq mamuriy taklif kiritildi.

Shuningdek, muassasalarda yuqorida-gi norma talablariga rioya qilish, mavjud qonunbuzilishlarini bartaraf qilish va aniq chora-tadbirlar belgilash yuzasidan 34 ta taqdimnoma va xodimlarga to'lanishi lozim bo'lgan ustama haqlarni undirish yuzasidan sudlarga 9 ta da'vo arizalari kiritildi.

Viloyat adliya boshqarmasi jamoatchilik bilan aloqalar bo'limi.



ISH YURITISH QONUN DOIRASIDAMI?

Viloyat adliya boshqarmasi tomonidan viloyatdagi mavjud texnikum, kollej, kasb-hunar va ixtisoslashtirilgan maktablarda "Jismoniy va yuridik shaxslarning murojaatlari to'g'risida"gi Qonun, "Davlat organlarida, davlat muassasalarida va davlat ishtirokidagi tashkilotlarda jismoniy va yuridik shaxslarning murojaatlari bilan ishlash tartibi to'g'risida"gi namunaviy nizam hamda Mehnat kodeksi talablariga rioya etilishi yuzasidan o'rganish o'tkazildi.

Jumladan, Paxtachi tumani pedagogika kollejida jismoniy va yuridik shaxslarni qabul qilish biror bir xodimga birkiritilmagan. Ularni qabul qilish uchun ham zarur xona yoki murojaatlar bilan ishlash yuzasidan alohida bo'linma tashkil etilmagan. Rahbariyat tomonidan jismoniy va yuridik shaxslarni qabul qilish jadvali esa tuzilmagan. Aslida

bunday ma'lumot muassasa binosining tashqi va ichki qismiga joylashtirilgan bo'lishi kerak. Murojaatlarni shakllari va turlariga ajratgan holda hisobini yuritish amaliyoti mutlaqo mavjud emas. Murojaatlarni qayd etish dattarlari umuman yuritilmagan.

Jomboy tumanidagi 2-kasb-hunar maktabida xodimlarning mehnatini

muhofaza qilish ahvolini qonun talablariga asosida, deb bo'lmaydi. Masalan, direktorning 2022-yil 3-yanvardagi "Vaqtincha vazifa yuklash haqida"gi 4-k sonli buyrug'i bilan xodim Y.G.ga vaqtincha vazifa yuklatishda xodimning roziligi olinmagan. Ushbu holat muassasa direktorining mazkur sanadagi "Guruh rahbari tayinlash haqidagi" 4/1-k sonli buyrug'ida ham takrorlangan.

Bundan tashqari, Y.G. o'ziga yuklatilgan vazifa bilan tanishtirilmagan. Mehnat kodeksining 178-moddasiga asosan har bir xodim o'ziga yuklatiladigan mehnat vazifalari doirasi bilan oldindan tanishtirishi lozim. Shuningdek, muassasa tomonidan bu kabi holatlar o'nga yaqin ana

Norasmiy bandlik ulushi qisqartiriladi

2022-yil 30-avgustda Prezidentimizning "Norasmiy bandlik ulushini qisqartirish hamda mehnat resurslari balansini zamonaviy yondashuvlar asosida shakllantirish chora-tadbirlari to'g'risida"gi qarori qabul qilindi.

Qarorga ko'ra, 2023-yil 1-yanvardan yakka tartibdagi tadbirkorlar bilan mehnat munosabatlarida bo'lgan jismoniy shaxslar uchun ijtimoiy soliq summasining eng kam miqdori oyiga bazaviy hisoblash miqdorining 50 foizidan yiliga bazaviy hisoblash miqdorining bir baravariga kamaytirilishi (bunda savdo majmualari va bozorlarda faoliyat yuritayotgan yakka tartibdagi tadbirkorlar bilan mehnat munosabatlarida bo'lgan jismoniy shaxslar mustasno) belgilangan.

Shuningdek, yakka tartibdagi tadbirkorlarga murakkab bo'lmagan umumiy qurilish va qurilish-ta'mirlash ishlari (beton quyish, bo'yochilik, suvoqchilik ishlari, g'isht va kafel terish, perforatsiya, duradgorlik, chilangarlik va boshqa umumiy qurilish ishlari), shu jumladan, yuridik shaxslar uchun ham bajarishga ruxsat berilgan. Qurilish-pudrat tashkilotlariga umumiy qurilish ishlari bajarish uchun shartnoma asosida yakka tartibdagi tadbirkorlarni jalb qilishi ham ko'zda tutilgan. Yakka tartibdagi tadbirkorlarga umumiy qurilish ishlari bajarish uchun besh nafar-gacha xodimni yollashga ruxsat etiladi. Umumiy qurilish ishlari bajarish faoliyati bilan shug'ullanayotgan hamda kamida uch nafar xodimni yollagan yakka tartibdagi tadbirkorlarga Bandlikka ko'maklashish davlat jamg'armasi mablag'lari hisobidan mehnat qurollari va asbob-uskunalar sotib olishiga subsidiya ajratiladi. Subsidiya miqdori bitta xodim uchun bazaviy hisoblash miqdorining 15 baravaridan oshmasligi lozim.

Qurilish vazirligi qurilish-pudrat tashkilotlari o'rtasida umumiy qurilish ishlari bajarishga yakka tartibdagi tadbirkorlarni keng jalb qilish bo'yicha targ'ibot ishlarini olib boradi. Yakka tartibdagi tadbirkorlar respublikaning ijtimoiy va ishlab chiqarish infratuzilmasini rivojlantirish, "Obod qishloq", "Obod mahalla" dasturlari doirasida bajariladigan umumiy qurilish ishlari keng jalb qilinadi.

Viloyat qurilish nazorat inspeksiyasi axborot xizmati.

Soliq imtiyozlaridan xabardormisiz?

Yuridik shaxslarning soliq solinmaydigan yer uchastkalarini jumlasiga quyidagi yerlar kiradi:

- madaniyat, ta'lim, sog'liqni saqlash va ijtimoiy ta'minot ob'yektlari egallagan yerlar;
- sport va jismoniy tarbiya-sog'lomlashtirish majmualari, o'quv-mashq bazalari va bolalar sog'lomlashtirish oromgohlari egallagan yerlar;
- shahar elektr transporti yo'llari va metropoliten liniyalari, shu jumladan, jamoat transporti bekatlari va metropoliten stansiyalari hamda ularning inshootlari egallagan yerlar;
- aholi punktlarining suv ta'minoti va kanalizatsiya inshootlari egallagan yerlar;
- magistral issiqlik trassalari, shu jumladan, nasos stansiyalari, issiq suv ta'minotining issiqlikni hisobga olish va nazorat qilish asboblari, isitkichlari,



sirkulyatsiya nasoslari hamda shunga o'xshash inshootlar egallagan yerlar;

- ihotada o'rmon daraxtzorlari egallagan yerlar;
- suvni tejaydigan (tomchilatib, yomg'irlatib, diskret va boshqa) sug'orish texnologiyalari joriy etilgan yerlar;
- qishloq xo'jaligi maqsadlari uchun yangi o'zlashtirilayotgan yerlar;
- melioratsiya ishlari amalga oshirilayotgan mavjud sug'oriladigan

yerlar;

- yangi barpo etilayotgan bog'lar, tokzorlar va tutzorlar egallagan yerlar;
- ilmiy tashkilotlarning, qishloq xo'jaligi va o'rmon xo'jaligi sohasidagi ilmiy-tadqiqot tashkilotlari hamda o'quv yurtlariga qarashli tajriba, eksperimental va o'quv-tajriba xo'jaliklarining bevosita ilmiy hamda o'quv maqsadlari uchun foydalaniladigan qishloq xo'jaligi ahamiyatiga molik bo'lgan yerlar va o'rmon fondining yerlari;
- qishloq joylarda joylashgan (bundan shaharlar va tumanlarning markazlari mustasno) anten-na-machta metall konstruksiyalari egallagan yer uchastkalarini.

Ushbu soliq imtiyozlari belgilangan maqsadda bevosita foydalanilmayotgan yer uchastkalariga nisbatan tatbiq etilmaydi.

Viloyat davlat soliq boshqarmasi axborot xizmati ma'lumotlari asosida tayyorlandi.

REKLAMA, E'LOMLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAAT UCHUN TELEFON: 66-233-91-96

OGOHO BO'LING, MAGISTRAL GAZ QUVURLARI!

Magistral gaz quvurlarining muhofaza zonasida xavfsizlik choralari ni ko'rish g'oyatda muhim. Viloyatimizning Narpay, Kattaqo'rg'on, Nurobod, Past Darg'om, Samarqand, Oqdaryo, Toyloq, Urgut, Jomboy, Bulung'ur tumanlari hamda Samarqand va Kattaqo'rg'on shaharlari hududi bo'yab aholi punktlari va sanoat korxonalarini tabiiy gaz bilan ta'minlovchi, yuqori bosimga ega magistral gaz quvurlari yotqizilganligi ni hisobga olsak, masala kundek ravshan. Shu sababli hamyurtlarimizga murojaat qilmoqdamiz.

Eksploatatsiyaning normal sharoitini ta'minlash va quvurlar buzilishiga (ularning har qanday o'tkazilishidan qat'iy nazar) yo'l qo'ymaslik uchun "Magistral gaz quvurlari himoya qoidasi"ga va O'zbekiston Respublikasi "Er kodeksi"ning 69-moddasiga asosan, muhofaza hududi o'rnatilgan.

Magistral gaz quvurlari tarkibiga gaz quvurlari, gaz taqsimlash shoxobchalari, kran tugunlari, elektr kimyoviy himoyalash uskunalari (EHZ), yuqori kuchlanishli elektr uzatish tarmoqlari (LEP), gaz quvurlari trassasi bo'yab yotqizilgan yo'llar, gaz quvurlarini bildiruvchi va tanituvchi belgilar kiradi.

Quvurlarning muhofaza zonasiga kiruvchi maydonlar yerdan foydalanuvchilardan olib qo'yilmaydi, faqat mazkur maydonda magistral gaz quvurlarini muhofaza qilish qoidalariga qat'iy rioya etgan holda qishloq xo'jaligi yoki boshqa turdagi ishlarni olib borish mumkin.

Muhofaza zonasida quvurlarning me'yorida ishlashiga xalaqit beruvchi yoki ularga shikast yetkazuvchi har qanday turdagi ishlarni bajarish taqiqlanadi. Xususan:

- har qanday qurilish ishlari olib borish, doimiy va vaqtinchalik imoratlar qurish;
- har xil turdagi daraxt va butalarni ekish, yem-hashak, ozuqa, o'g'it va materiallarni to'plash, pichan g'amlash, chorva mollarini saqlash va suv ichadigan hovuzlar qurish, baliq yetishtirish uchun uchastkalar ajratish va baliq hamda boshqa suvda yashovchi va suzuvchi hayvonlarni parvarishlash;
- quvur yo'nalishi ustidan o'tish va kesib o'tish yo'llarini qurish, traktor va boshqa og'ir mexanizmlar uchun turarjoylar barpo etish, jamoat bog'lari va polzlarni tashkillashtirish;
- turli xil qurilish-montaj, portlatish va burg'ulash ishlari amalga oshirish, tuproqni surish va tekislash;
- melioratsiya ishlari bajarish, sug'orish va suv qochirish kanallarini qurish, chuqurlashtirish;
- nazorat-o'lchov quduqlari, nazorat-o'lchov punktlari, bildiruvchi va ogohlantiruvchi belgilarni buzish, joylarini o'zgartirish;
- kabel aloqasi xizmat ko'rsatilmaydigan kuchaytiruvchi punktlarning qopqoqlarini, kimyoviy himoyalash stansiyasi va boshqa uskunalarni atrofi-



ga o'rnatilgan sim to'siqlarni ochish va ichiga kirish, kranlar, zulfinar va jo'mraklarni ochish yoki yopish, aloqa vositalari va energiya ta'minoti uskunalarini o'chirish va yoqish;

- belgilangan hududda turli xil chiqindilarni yig'ish, yerga ishqorlar, tuzlar, kislotalar eritmalarni to'kish;
- har xil maqsadlarda olov yoqish, quruq hashak va somonlarni yoqish;
- himoya hududlarida sun'iy havzalar va sholi ekinlari ekish.

Magistral gaz quvurlarini himoya qilish qoidalarining buzilishida aybdor mansabdor shaxslar va fuqarolar O'zbekiston Respublikasi qonunchiligiga ko'ra javobgarlikka tortiladi.

Magistral gaz quvurlari bo'yab xavfsizlik yer uchastkasi ko'rinishida, quvur o'qining har ikki tomoniga 50 metr gacha masofada shartli chiziqlar bilan chegaralangan bo'ladi.

Qishloq xo'jaligiga taalluqli yerlardan himoya maydoni magistral gaz quvurlarining o'qidan har ikki tomoniga 25 metr masofada o'tadigan, shartli chiziqlar bilan chegaralanadi.

Gazdan kondensatni ajratish va saqlash uchun sig'imlar atrofida, neft, kondensat va siqilgan uglevodorodlarni avariya holatida chiqarish uchun yer omborida ko'rsatilgan ob'yektlar

maydoni chegarasida har tomoniga 50 metrdan tutashgan chiziq bilan chegaralangan uchastka ko'rinishida bo'ladi.

O'zbekiston Respublikasida "Qurilish me'yori va qoidalari" (OMO 2.05.06-97) me'yoriy hujjat asosida magistral gaz tarmoqlari atrofida quvurlar diametriga mos holda muhofaza hududlari belgilangan.

Unga ko'ra, diametri:

- 1200 mm.dan 1400 mm.gacha bo'lgan magistral gaz quvurlarining muhofaza hududi quvur o'qidan har ikki tarafga - 350 metr;
- 1000 mm.dan 1200 mm.gacha bo'lgan magistral gaz quvurlarining muhofaza hududi quvur o'qidan har ikki tarafga - 300 metr;
- 800 mm.dan 1000 mm.gacha bo'lgan magistral gaz quvurlarining muhofaza hududi quvur o'qidan har ikki tarafga - 250 metr;
- 600 mm.dan 800 mm.gacha bo'lgan magistral gaz quvurlarining muhofaza hududi quvur o'qidan har ikki tarafga - 200 metr;
- 300 mm.dan 600 mm.gacha bo'lgan magistral gaz quvurlarining muhofaza hududi quvur o'qidan har ikki tarafga - 150 metr;
- 300 mm va undan kichik bo'lgan magistral gaz quvurlarining muhofaza hududi quvur o'qidan har ikki tarafga 100 metr va gaz taq-



simlash shoxobchalari har tomondan himoya hududi (muhofaza hududida har qanday ishlarni olib borish taqiqlangan) 100 metr.

Shu bilan birgalikda aholi e'tiborini quyidagilarga qaratmoqchimiz. Davlatimizda olib borilayotgan insonparvarlik siyosatiga ko'ra, aholi tomonidan tegishli mahalliy hokimiyatlar ruxsatisiz avvaldan qurilib, hozirda aholi istiqomat qilib kelayotgan ayrim uy-joylar ham tegishli hujjatlar orqali egalari mulk sifatida rasmiylashtirib berilmoqda. Lekin, magistral gaz quvurlarining xavfli hududida, boshqacha aytganda, "Ozil hudud" ichida qurilgan noqonuniy imoratlar uchun bu yengilliklar tatbiq etilmaydi va bunday imoratlar buzilishi kerak bo'ladi.

Agarda hamyurtlarimizning yer uchastkasi yoki dikhonchilik qilayotgan maydoni magistral gaz quvurlari yaqinida joylashgan bo'lsa, biror turdagi qurilish ishlari boshlashdan oldin, shu gaz quvuriga xizmat ko'rsatuvchi boshqarmaga murojaat qilib ish ko'rish tavsiya etiladi. Shunday holda fuqarolar o'zboshimchilik bilan qurilgan noqonuniy imoratni buzilishi bilan bog'liq ortiqcha asabuzarlik va keraksiz moddiy chiqimlardan holi bo'lishadi.

Tashkilot manzili:
Samarqand tumani Gulobod maskani,
Gazchilar qo'rg'oni.
Telefonlar: +99806-612-56-01,
612-53-04, +99899-022-77-12.

O'ktamxon TUROPOV,
Samarqand magistral gaz quvurlari boshqarmasi boshlig'i.
Iskandar SHUKUROV,
sanoat xavfsizligi qo'mitasi Samarqand hududiy boshqarmasi bosh mutaxassisi.



DA'YOLAR BO'LSA...

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Abibov Badixan Amirxonovichga (2021-yil 8-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Kovalova Nina Petrovna (2020-yil 6-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Bahromova Feruza Zoirovna notarial idorasida marhum

Amonova Shoxista Kamolovna (2022-yil 21-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirovna notarial idorasiga murojaat etishlarini so'raymiz.

Manzil: Samarqand shahri Amir Temur ko'chasi, 108-uy.

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Usmanov Raximga (2002-yil 28-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Usmonov Dilshod Raximovichga (2022-yil 23-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning

Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Saibov Karim Sheraliyevichga (2010-yil 3-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Abbasov Kaxarga (2020-yil 6-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Jomboy tumanida xususiy amaliyot bilan shug'ullanuvchi notarius Mamatqulov Otabek Bolbekovich notarial idorasida marhum Suvanov Baxtiyor Amirqulovichga (2019-yil 27-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otabek Bolbekovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Xusnulina Galiya Rafatovna (2021-yil 2-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Alimov Tolibga (2017-yil 5-oktabrda vafot

etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Babenko Mariya Savelyevna (2021-yil 24-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Xamrakulova Gulchexra Djurakulovna (2021-yil 4-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat

etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Ismoilova Shahlo Bahriloyevna notarial idorasida marhum Shakirov Asadullo (2011-yil 21-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahriloyevna notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 17-uy.

BEKOR QILINADI

Samarqand huquqshunoslik kollejdani 2012-yilda Ergasheva Shaxnoza Ilyosovna nomiga berilgan ro'yxat raqami 499, K 2527204 raqamli diplom yo'qolganligi sababli bekor qilinadi.

Payariq tumanidagi Nazarov Erkin Baxodirovich yakka tartibdagi tadbirkorining (STIR: 491851304) dumaloq muhri va burchak tamg'asi yo'qolganligi sababli bekor qilinadi.

